

PUEBLO TA SUMAMENTE CONTENTO CU A BAHÁ E PRIJS PA E FIESTA DI "EL BINOMIO DE ORO"...

Fotos/texto: Poets

DEN AMBIENTE



**** Israel "El Pollo Ira" Romero di "BINOMIO DE ORO DE AMERICA", considera como e mihor acordeonista di Mundo..**

****** Hopi bon comentario DEN AMBIENTE a ricibi for di varios di e gran fanaticonan di "El Binomio de Oro", cu e promotornan a hasi bon pa rebaha e prijs di entrada pa e fiesta di "El Binomio de Oro" riba Pasco anochi den Club Caiquettio. Esaki a trese un alivio y speransa grandi serca e fiel amantenan di musica valenato y especialmente fanaticonan "del alma" di "El Binomio de Oro", cual agrupacion colombiano ta gozando di un popularidad increible aki na Aruba.

For di momento cu e promio-

tornan a anuncia cu e prijs awor ta na rason di 60 florin, caarchinan a cuminsa bay manera vuurpijl. Si analisa e prijs aki pa un orquesta di taya manera "El Binomio de Oro" riba un anochi special cu ta Pasco anochi, anto esaki por ser considera como un regalo. Esaki ta debi cu pa saca un "El Binomio de Oro" for di su pais, na unda e aña aki nan a cosecha un impacto grandi cu nan super hitnan manera e.o.: "Un Osito Dormilon, Amigo el Curason" y actualmente esun mas pega na Colombia y henter lafina americana "Olvida la



**** E aña aki tabata uno grandi pa Jean Carlos Centeno cu a sa di pega hitnan grandi manera "Amigo de Corason" y "Un Osito Dormilon"...**



**** E joven acordeonista Jose Fernando "El Morr" Romero, subrino di e extraordinario acordeonista Israel Romero, lo bay duna un show di acordeon manera nan so por..**

Amor". No ta nada facil di por a logra trese "El Binomio de Oro" aki na Aruba pa e fiesta di Pasco anochi, cual ta e anochi den tur parti di mundo cu tur prijs ta bira dobbel pa presentacion. Banda di "El Binomio de Oro" tambe e fies-

ta di oro aki ta conta cu presentacion di Quasi, kendenan tambe e aña aki a progresa inmensamente y a tuma rienda bek como un di e mihor orquestanan di Aruba.

For di e promotornan DEN AMBIENTE por a compronde

cu tur cos ta mustra cu e fiesta aki lo bay resulta den un exito, cual ta e deseo tambe di DEN AMBIENTE. Awe henter dia por haya caarchi cumpra na valor di 60 florin na Galeria Moderna, Non Stop CD Shop, Gaby Sport Shop y Las Calenas..

PROGRAMA RADIAL "ANTAÑO DI FIN DI AÑA" A DESCUBRI UN PROBREZA INMENSO NA ARUBA..

****** Diasabra anochi ultimo atraves di e popular programa "Antaño di Fin di Aña" na Top 95 fm, cual ta ser presenta pa e conocido Chico Creeze y Vick Geerman, a ser descubri un probreza

inmenso riba nos pais Aruba. Esaki a sali na cla na momento cu Chico Creeze a start cu su rifa di un garatia stiwa cu tur sorto di



**** Chico Creeze Grbiela y Vick Geerman cu e garatia di regalonan di Pasco, cual a hasi un famia pover di Aruba feliz durante e dianan di navidad..**

regalonan di Pasco. Hopi tabata e gritonan for di e yamadanan pa haya e premio aki cueste loke cueste. E gritonan aki tabata asina profundo cu tabata expresa e necesidad grandi cu ta existi aki na Aruba. For di Chico Creeze, DEN AMBIENTE a ricibi su comentario. "Hamas y nunca mi por a biba pensa cu na Aruba por ta existi tanto probreza. "Esaki mi a dedusi for di e tantísimo yamadanan cu nos a ricibi atraves di e lifianan di telefon cu tabata riba 300 yamada. Mas aun despues di e programa ora mi persona conhuntamente cu Vick Geerman a bay entrega e premionan, cu mi propio wowonan a mira e estado cu e famianan ganador di e premio ta bibando aden. Esaki tambe a causa un impacto serca varios gremionan y incluso clero pastoral, kendenan a yama pa gradici e bunita iniciativa aki. Chico ta sigui expresa cu e ta kere cu sin duda algun algo mester worde hasi den un tempo cortico pa e situacion lamentable aki, prome cu Aruba bay competi cu paisnan den Sur America cu ta den e direccion aki. E premio aki ser gana pa un mucha muher di 11 aña, pa cual e programa "Antaño di fin di aña ta sumamente contento di por a hasi un famia feliz aki na Aruba..